



**PEKELILING
KETUA PENGARAH TANAH DAN GALIAN PERSEKUTUAN
BILANGAN 10/1980**

*Takrif "Harta Pusaka Kecil" Di Bawah Akta 98 -
Akta (Pembahagian) Harta Pusaka Kecil 1955
(Disemak - 1972)*

Pemungut-pemungut Hasil Tanah adalah diminta mengambil perhatian iaitu Ordinan (Pembahagian) Harta Pusaka Kecil, 1955 telah digantikan sekarang dengan Akta 98 - Akta (Pembahagian) Harta Pusaka Kecil, 1955 (Disemak - 1972). Akta 98 ini mula berkuatkuasa pada 1hb. November 1972.

2. Dalam Akta 98 itu, harta pusaka kecil adalah ditakrifkan di bawah seksyen 3(2) seperti berikut:

“(2) For purposes of this Act a small estate means an estate of a deceased person consisting wholly or partly of immovable property situated in any State and not exceeding twenty-five thousand dollars in total value;

Provided that, until the Minister otherwise orders, this subsection shall have effect in the States of West Malaysia with the substitution of the word ‘ten thousand dollars’ for the words ‘twenty-five thousand dollars.’

3. Menurut P.U.(B) 217 bertarikh 23.5.1974, Menteri telahpun memerintahkan bahawa mulai 1.7.1974, syarat (proviso) kepada seksyen 3(2) seperti yang dinyatakan di atas hendaklah terhenti daripada berkuatkuasa. Ini bermaknalah bahawa pusaka si mati (yang mengandungi kesemuanya atau sebahagiannya harta tak alih) yang permohonan untuk pembahagiannya diterima pada atau selepas tarikh tersebut (iaitu 1.7.1974) dan jumlah nilaiannya tidak melebihi \$25,000/- adalah harta pusaka kecil.

4. Di bawah Akta (Pembahagian) Harta Pusaka Kecil (Pindaan 1977 (Akta A399), seksyen 3(2) Akta (Pembahagian) Harta Pusaka Kecil, 1955 (Akta 98) telahpun selanjutnya dipinda untuk menaikkan nilai maksima harta pusaka kecil ke \$50,000/- mulai pada 10.6.1977. Dengan yang demikian pusaka si mati (yang mengandungi kesemuanya atau sebahagiannya harta tak alih) yang permohonan untuk pembahagiannya diterima pada atau selepas tarikh itu (iaitu 10.6.1977) dan jumlah nilaiannya tidak melebihi \$50,000/- adalah harta pusaka kecil.

5. Pekeling Ketua Pengarah Tanah dan Galian Bil. 3/1973 adalah dengan ini dibatalkan.

NASRUDDIN BIN BAHARI,
*Ketua Pengarah Tanah dan Galian
Persekutuan*

P.T.TM

Kuala Lumpur
19hb. Januari, 1980.